

# Pawî Maraynis

Wergêran / Daêva



Pawî Maraynis, helbestvan û romannivîsek Hollandî ye. Li sala 1946-ê, ji dayik bûye. Bo heyamên dirêj, wek rojnamevan û redegortor di rojnameya N.R.S de, kar kiriye. Heta noke du dîwanên helbestan "Maçên Gulgulî" û "Gillette" çap kirine, herwesa yek roman bi navê "Periya Deryayê".

Li sala 2003-yê "Maçên Gulgulî" xelatê (Bloemenprijs) wergirt û derbarê wê çendê Maraynis dibêje: (( *Ez jî wesana bo diçim ku dîwana Maçên Gulgulî baştir e ji dîwana Gillette.*))

Ji xwandina helbestên Maraynisî, xuya dibe ku xweristeyek sîmyolojî bi ser şewazê wî de digire çunkî ajal, dar û ber, teyr û tewal û bêcanan bi kar dihîne. Tu dibêjî qey tenê danasînek e bo wan kesan- tiştan, lê eger bi kûrayî di nav de biçî, dê bibînî ku helbestên wî pîrr in ji hizr, raman, hevsozî û hestên cuda cuda di derûna mirovan de, bo nimûne viyan û neviyana tiştêkê di eynî demî de, ango car dibin bingehê bedewbûnê, car jî bingehê zivêrî û bêzariyê, ev hevdijiyê hest û nestan di derûna mirovan de, rengvedanek e bo rewşa wan ya pisîkolojî. Bikarhînanana zimanê sîmyolojî, derbirrînek kêş e bo jiyana mirovên ku bi qurnetgiriye gemarûdayî. Maraynis vê bi mînak diselmîne: ka çawan 'Teyrê Efsûneyî' wek bûjiyekê dibîne çunkî daybavên xwe naniyase, bi tenê ye, veder e, berdewam dinalîne, bêriya hembêzê dayikê yê germ dike. Herwesa, ka çawan 'Binefşê Axrîkî' wek xerîb dibîne çunkî neçar e ku ji warekê bo yek din bar bike, wek xerîb dihê niyasîn, pêgiriye bi bêdengiyê dike ji ber ku bi bêdengiyê xwe diparêze û bi qedera xwe qayîl bibe. Gelek ji teyr û tewalan wek hêma, bo hizr û enêdşeya mirovan, bi kar dihîne herwek quling, por û qumrî demê hindêk ji wan bi bûmêr, bûjinên xembar li qelem dide çunkî wek mirovan, çaxê li ser miriyên xwe - berwest- digirîn, bi kirasên reş bejnên xwe dinixêvin. Maraynis dibêje ku cilê reş bûye mode çunkî bedew e, ne çunkî xembariyê radigehîne. Zêdebarî bo wê, helbestvan dîrok û mîtolojiyayê wek alav bo derbirrîne bi kar

**Macên Gulgulî**  
*Dîsan wê bar kir  
 lê, krêmê pora zêrîn  
 derpêkurt, pêlav û radyoya milî,  
 van tiştan,  
 li wê na zivirînim ez  
 dê biparêzim li nav dilî  
 heta ku peşêman bibe û bivegere  
 ew tişt,  
 barimte ne,  
 ji bo hindêk macên gulgulî.*

dihîne, mînak jî çawan pare, sereke di jiyana dileyzin, dibêje samanên wan wan jî di jariya navbera jîn û jar û belengaz rojgarê dibin û heyirî salên